

*BOSNA I HERCEGOVINA*  
*Federacija Bosne i Hercegovine*  
**ZENIČKO-DOBOJSKI KANTON**  
*Općina Maglaj*  
**OPĆINSKO VIJEĆE**



*BOSNIA AND HERZEGOVINA*  
*Federation of Bosnia and Herzegovina*  
**ZENICA-DOBOJ CANTON**  
*Maglaj Municipality*  
**MUNICIPAL COUNCIL**

**PRIJEDLOG**

**PROGRAM UTROŠKA SREDSTAVA  
SUBVENCIJA JP "VETERINARSKA STANICA" MAGLAI  
U CILJU ZBRINJAVANJA PASA LUTALICA  
ZA 2024. GODINU**

**IZRADILA:**  
JP "Veterinarska Stanica" Maglaj

Maglaj, mart 2024. godine

**PRIJEDLOG**

**PROGRAM UTROŠKA SREDSTAVA**

**subvencija troškova J.P. Veterinarska stanica Maglaj**

**d.o.o. u cilju zbrinjavanja pasa lutalica**

**Program utroška sredstava subvencija**  
JP „Veterinarska stanica Maglaj“ u cilju zbrinjavanja pasa lotalica za 2024. godinu

### **UVOD**

Problem pasa lotalica i problem vlasničkih pasa koji povremeno nisu pod nadzorom vlasnika, ( iz više razloga: sezona parenja ,nedovoljna briga za ljubimca, svojevrijedno napuštanje dvorišta od strane psa, smrtni slučajevi vlasnika,...) problem su na teritoriji općine Maglaj već duže vrijeme. U poslednjih 10tak godina problem se još više usložnio zbog provođenja ali i ne provođenja zakonskih propisa koji reguliraju oblast zaštite, držanja i zbrinjavanja pasa.

U Uvodu prikazat ćemo samo neke od tih propisa koji regulišu ovu oblast:

1. Zakon o zaštiti i dobrobiti životinja u BiH („Službeni glasnik BiH“ br:25/09)
2. Pravilnik o osnivanju i uvjetima koje moraju ispunjavati skloništa za životinje („Službeni glasnik BiH br: 96/16).
3. Pravilnik o utemeljenju i uvjetima koje moreju ispunjavati Higijenski servisi (Služ. Glasnik BiH br:27/10)
4. Pravilnik o identificiranju i vođenju evidencije pasa, mačaka i pitomih vretica u BiH. („Služ. Glasnik BiH“ br: 27/10)
5. Pravilnik o držanju opasnih rasa pasa („Služ. Glasnik BiH br:27/10“)

### **TREKUTNO STANJE**

Iz razloga što se zakon i propisi ne provode u cijelosti stanje postaje na ulicama BiH gradova pa i samog Maglaja - neodrživo , kako sa aspekta sigurnosti građana (a posebno djece) , zdravstvenog aspekta , tako i sa aspekta samih pasa lotalica. Odgovornost za veliki broj pasa lotalica na ulicama bosanskohercegovačkih gradova velikim dijelom snose i same vlasti ali činjenica je da je uzrok problema u neodgovornim vlasnicima koji ih napuštaju.

Takvi psi dospijevaju na ulicu, zbog nagona da održe vrstu dolazi do parenja ovih životinja te se shodno tome vrlo brzo u toku malog vremenskog perioda povećava njihova brojnost. Pored ovih činjenica postoji i činjenica namjenskog dovođenja pasa sa područja drugih općina. ( bar je to više puta bio slučaj u Maglaju). Nadalje u prigradskim naseljima a posebno seoskim i na rubnim dijelovima entiteta ili općina ovčari ostavljaju velike ovčarske pse koji se stapaju u čopore u potrazi za hranom te predstavljaju prijetnju po lokalno stanovništvo ( takav slučaj smo imali 2023. god u Kopicama na samom rubu naše općine i entiteta)

Međutim, da postoje i pozitivni primjeri i da nije sve tako loše govori i činjenica da postoji i veliki broj pasa lotalica koji su prijateljski nastrojeni i željni ljudske pažnje i brige o njima. Iako žive u lošim životnim uslovima , pronalaze „privremene vlasnike“ u lokalnom stanovništvu u naseljenim mjestima. Oni ih hrane , pružaju im privremeni smještaj ali bez zdravstvene zaštite a sve to do momenta njihovog polno zrelog odrastanja i do momenta koji je već naveden u ovom Planu a to je do pojave njihovog parenja i donošenja na svijet potomstva koji mijenja njihovo brojno stanje. “Privremeni vlasnici“ ne mogu odgovoriti njihovim novim zahtjevima i oni tada postaju veliki problem za lokalnu zajednicu.

**Sve ovo govori u prilog tvrdnji ( a i propisi to nalažu ) da se mora osigurati humani pristup u rješavanju ovog pitanja.**

## **CILJEVI ZBRINJAVANJA PASA LOTALICA**

Opći cilj Plana zbrinjavanja pasa lotalica sa područja grada Maglaja je uspostaviti efikasan i human sistem za upravljanje populacijom i njenom brojnošću na teritoriji samog grada Maglaja , zatim prigradskih naselja te kontrolu pasa u neposrednoj blizini grada a u narednom periodu i cijeloj teritoriji općine Maglaj onoj mjeri u kojoj će se osigurati sigurnost za stanovnike grada Maglaja.

Dakle, u što kraćem roku smanjiti broj pasa na ulicama grada. Spriječiti ponovno povećanje broja napuštenih i pasa lualica promoviranjem principa odgovornog vlasništva. Na razini općine Maglaj donijeti Pravilnik o odgovornom vlasništvu kojim bi se kažnjavali vlasnici na način da ukoliko se na ulici uhvati pas i ustanovi njegov vlasnik, te smjesti u sklonište, takav pas će podlijetati obaveznoj kastraciji ili sterilizaciji po cijenama koje odredi implementator programa a u skladu sa cjenovnikom. Vlasnik bi dodatno bio opterećen troškovima hvatanja, prijevoza, smještaja, hranjenja i postoperativne njege životinje.

### **IMPLEMENTATOR(I) PROGRAMA**

Obzirom da je J.P. Veterinarska stanica Maglaj d.o.o. nosioc implemetacije ovog Programa očekujemo u ostvarivanju plana da se (ili već jesu) pojave i drugi koimplementatori dole navedeni:

- Općina Maglaj sa svojim resornim službama
- Služba za inspekcijske poslove ZE-DO Kantona
- KJD „Maglaj“ d.o.o. Maglaj
- RTV „Maglaj“
- LD „SOKO“ Maglaj
- Ministarstvo poljoprivrede, vodoprivrede i šumarstva ZDK

### **OČEKIVANI REZULTATI PROGRAMA ZBRINJAVANJA**

1. Povećanje broja zbrinutih pasa lualica u skloništima
2. Povećanje broja sterilisanih i kastriranih pasa lualica
3. Povećanje broja legalno udomljenih pasa
4. Smanjenje broja prijavljenih slučajeva napada pasa
5. Povećanje svijesti kod građana o odgovornom vlasništvu i humanom odnosu prema životinjama.
6. Sprječavanje priliva novih pasa lualica tokom godine
7. Sprječavanje neželjenih promjena u ponašanju pasa

8. Uvođenje sankcija i kazni za neodgovorne vlasnike pasa.
9. Početak postepenog rješavanja ovog problema.

**PLAN I PROGRAM UTROŠKA SREDSTAVA NAMIJENJENIH SUBVENCIJOM U  
CILJU ZBRINJAVANJA PASA LUTALICA U GRADU MAGLAJU**

	<b>aktivnost</b>	<b>cijena</b>	<b>količina</b>	<b>ukupno</b>	<b>korekcija</b>
<b>1</b>	Izgradnja objekta za smještaj pasa lutalica kapaciteta 30 pasa sa ispustištem	5.500,00 KM	2	11.000,00 KM	Planirana su 2 objekta u svakom polugodištu po 1
<b>2</b>	Izgradnja prateće infrastrukture	1.200,00 KM	1	1.000,00 KM	Izgradnja prilaznog puta i kolektora za otpadne vode i feces
<b>3</b>	Humano hvatanje pasa lutalica	35,00 KM	200	7.000,00 KM	U cijenu uračunati troškovi za gorivo, radnu snagu, mamce, anestetike...
<b>4</b>	Ishrana pasa po danu	1,00 KM	30	3.500,00 KM	Prosjek za pun kapacitet jednog objekta za godinu
<b>5</b>	Čišćenje i dezinfekcija objekata	1.000,00 KM	1	1.000,00 KM	Troškovi rada i dezinfekcije za godinu dana
<b>6</b>	Čipiranje	15,00 KM	200	3.000,00 KM	Iznos za 200 pasa (ukoliko bude ostvaren)
<b>7</b>	Vakcinacija	20,00 KM	200	4.000,00 KM	Podrazumijeva i ostale tretmane antiparazitike liječenje...
<b>8</b>	Sterilizacija	100,00 KM	70	7.000,00 KM	Planirani broj zahvata sa kastracijama
<b>9</b>	Eutanazija	50,00 KM	50,00 KM	2.500,00 KM	Planirano po potrebi

	<b>UKUPNO</b>		<b>40,000,00 KM</b>	
--	---------------	--	---------------------	--

- Plan utroška sredstava sačinjen je na osnovu aproksimativnih parametara te se može u toku godine izmijeniti u cilju prenošenja iznosa iz jedne stavke u drugu.

**JP "Veterinarska Stanica" Maglaj  
Direktor**

**Amer H. Šehović**

*Šehović H. Amer  
dr. vet. med.*

**Maglaj, mart 2024. godine**



**PREDLAGAČ  
OPĆINSKI NAČELNIK  
Mirsad Mahmutagić**

